



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1859

XIV. Bischof Rudolph von Halberstadt entscheidet den Streit des Markgrafen Albrecht des Bären mit den Brüdern de S. Paulo in Halberstadt über den Zehnten des im Magdeburgischen gelegenen Dorfes Mose, ...

Nutzungsbedingungen

[urn:nbn:de:hbz:466:1-55003](https://nbn-resolving.org/urn:nbn:de:hbz:466:1-55003)

XIII. Bischof Rudolph von Halberstadt überläßt dem Kloster Unser Lieben Frauen in Magdeburg den Zehnten des Dorfes Mose, welchen Markgraf Albrecht der Bär und seine Vasallen resignirt haben, (im Jahre 1145?)

In nomine sancte et individue trinitatis. Rodolfus, Dei gratia Halverstadenfis episcopus. Pateat tam futurorum, quam presentium fidelium sagacie industrie, qua ratione dati et accepti decima cuiusdam ville, que dicitur Mose iuxta fluvium Oram in partibus aquilonis per me et venerabilem archiepiscopum Fridericum data sit de nostra ad ecclesiam beate Marie Magdeburgensis cuius et fundus est ipsius ville predictae. Que decima quamvis beneficii iure XII solidorum taxatione annuatim estimatur, eo tamen tempore, quo usum illius decime ad ecclesiam beate Marie transtulimus, villa Mose partim cultore vacabat, partim sclavorum decimam non solventium nomine subigebatur, ideoque decima vel nulla erat, vel ea tantum, quam non sinodalis iusticia, sed militaris violentia extorquebat, per exactionem eorum videlicet hominum marchionis Alberti, quia illam ab eo inbeneficiati fratres de sancta Maria in ceteris bonis illius ville supra modum gravabant. Quod fratres predicti non ferentes in eius decime redemptionem plusquam duodecim talenta expenderunt, vt Marchioni ab hominibus suis, et nobis a Marchione resignata eis nostra largitione in perpetuum habenda emanciparetur. Quod vbi factum est, animaduerti nonnullam querimoniam fratrum de sancto Paulo pro eadem decima, quam suam esse affirmabant. Quibus ab ecclesia beate Marie mansus soluens X solidos in Bresloue in recompensationem illius decime vtriusque partis consensu et petitione donatus est. Sic omnia in vnum sunt terminata. Decimam predictae ville a Marchione Alberto et preposito Wichmanno, consentientibus et petentibus canonicis suis, nobis resignatam per manum predicti venerabilis archiepiscopi, ecclesie beate Marie absolute et inrefragabiliter in perpetuum habendam contradidimus. Et vt hec nostre donationis siue traditionis carta futuris temporibus firma semper et inconuulsa permaneat, tam venerabilis predicti Marchionis Alberti, quam nostri sigilli impressione signamus eam et banni nostri auctoritate roboramus. Si qua ergo in posterum ecclesiastica secularisue persona contra hanc nostre institutionis paginam ausu temerario venire presumpserit, anathema sit, quousque factum suum digna penitentiae satisfactione emendet. Conferuantibus autem sit remissio peccatorum.

Ludewig Reliqu. Mspt. II, 359. Leuckfeld Antiqu. Praemonstr. 75. Hugo Annal. Praemonstr. II, 114.

XIV. Bischof Rudolph von Halberstadt entscheidet den Streit des Markgrafen Albrecht des Bären mit den Brüdern de S. Paulo in Halberstadt über den Zehnten des im Magdeburgischen gelegenen Dorfes Mose, etwa um das Jahr 1145.

In nomine sancte et individue trinitatis. Ego Rodolfus, Dei gratia Haluerstadenfis episcopus. Pateat tam futurorum quam presentium fidelium sagaci industrie, quod ego Rodolphus notum facio de decima cuiusdam ville, que dicitur Mose, iuxta fluvium Oram in parte

aquilonis, qua ratione dati et accepti per me et venerabilem Magdeburgensem archiepiscopum Fridericum data sit de nostra ad ecclesiam beate Marie in Magdeburg, cuius et fundus est ipsius ville predictae. Pro qua decima inter Marchionem Albertum et fratres de sancto Paulo talis agitabatur controuersia. Illi nostra est inquit, decima, ostendentes ab episcopis sibi data priuilegia et ille, non, Sed mea est possessio, computans eam inter cetera, que habet a nobis, beneficia sua. Illi tantum scriptum, iste obtinuit decimam, non sine querela eorum uentum est ad nos. Gratiis Deo, ambo conuenerunt in vnum, vterque ipsam decimam nobis pari consensu resignauerunt, hac videlicet conditione, vt eam absolute et inrefragabiliter in perpetuum habendam daremus sancte Marie in Magdeburg, hoc nimirum commercio, vt ab eadem ecclesia et fratribus de sancto Paulo mansus in villa Bersleue soluens X solidos maioris tum precii daretur, et Marchioni Alberto frequentium orationum potior retributio. Sic factum est. Sic terminatum est. Sic confirmatum est per me et dominum predictum archiepiscopum Fridericum, coram multis idoneis, qui subscripti sunt, testibus. Et vt hec nostre actionis pagina inconuulsa et illibata et perpetualiter permaneat, sigilli nostri impressione eam insigniuimus. Quicumque autem hanc pactionem pertinaciter voluerit violare, et hanc nostre traditionis paginam presumpserit cassare, nisi cito resipuerit, anathema sit.

Ludewig Reliqu. Mspt. II, 360. 361. Leuckfeld Antiqu. Praemonstr. 76. Hugo Annal. Praemonstr. II, 115.

XV. Graf Dedo von Groitsch überläßt dem Kloster Unser Lieben Frauen in Magdeburg das Grundstück Badenacker bei Mose in Magdeburgischen, welches Markgraf Abrecht rüchfichtlich der Vogtei in seinen Schutz nimmt, am 3. September 1159.

Dedo, divina favente clementia Comes. Notum sit uniuersitati fidelium, tam presentium quam futurorum, quod ego Dedo, Dei Gratia Comes, fundum quendam, quem Badenacker vocant, qui mihi hereditario iure ex coniunctione vxoris mee Machtildis obuenit, fratribus ecclesie Beate Marie Magdeburgensis, consensu memorate vxoris mee, filiorumque meorum, Theodorici et Philippi, sexaginta libris eris vendiderim. Huic autem fundo pratum quoddam attinet, quod pro remedio anime mee, vxorisque et filiorum meorum, ipsis consentientibus, ecclesie Beate Marie in vsu predictorum fratrum obtuli et adhibitis idoneis testibus absque cuiusdam contradictione perpetuo possidendum stabilivi. Huius ergo rei consummatio et confirmatio acta in villa Elvebuge super ripam Albis fluminis, me vna cum legitimis heredibus meis, ea, que predicta sunt, super reliquias Beate Marie offerente et Marchione Adelberto, cum filio suo Ottone Marchione, iure advocatie, sub tuitionem sui rite eadem suscipiente. Ne qua igitur futuris temporibus postmodum de his omnibus cuiusquam querimonia oriatur, actionem hanc scripto annotauimus et sigilli nostri impressione insignitam perpetuo confirmauimus. Acta sunt hec anno dominice incarnationis MCLVIII, indictione VII. concurrente III. epacta XI. Idus Septembris Adriano summo pontifice Sante Romane ecclesie presidente, regnante Friderico Romanore imperatore semper augusto; sub presulatu venerabilis Wichmanni, Magdeburgensis archiepiscopi. Amen. Huius rei testes sunt